



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Svmmvla Casvvm Conscientiae De Sacramentis**

**Gretser, Jacob**

**Ingolstadii, 1611**

Antipharmacum.

**urn:nbn:de:hbz:466:1-40295**

obstetricibus permittere impia & sacrilega est Baptismi profanatio. Ergo hoc caput non tantum repudiandum iudico; verum, si urgere vos princeps ultra modum pergat, usque ad sanguinem resistendum potius, quam ut huic non toleranda superstitioni consentiatis. Idem docet Calvinus in libello, quem inscripsit Reformationem Ecclesiae & in Appendice ad hunc libellum.

### *Antipharmacum.*

OBSTANT; Hæc Calvinianorum impia commenta refellit Christi doctrina Ioann. 3. *Amen, Amen dico tibi, nisi quis natus fuerit denuo, non potest videre regnum Dei. Et, Amen Amen dico tibi, nisi quis renatus fuerit ex aqua & spiritu, non potest introire in regnum Dei;* Est ergo regeneratio ex aqua & Spiritu sancto infantibus simpliciter necessaria, quando quidem Christus disertè affirmat, absq; regeneratione neminem ad cœlestem beatitudinem peruenturum.

S. Augustinus  
lib. 1. de peccat.  
meritis & re-  
miſ. cap. 23.

Tit. 3.

*Quis Christianorum ferat, inquit S. Augustinus, cum dicitur, ad aternam salutem posse quenguam peruenire, si non renascatur in Christo, quod per Baptismum fieri voluit, eo iam tempore, quo tale Sacramentum constituendum fuit regenerandis in spem salutis aterna? Vnde dicit Apostolus; Non ex operibus iustitia, qua fecimus nos, sed secundum suam misericordiam saluos nos fecit per lauacrum regenerationis.*

*Firmisimè tene, ait S. Fulgentius de fide ad Petrum, & nullatenus dubites, exceptis illis, qui pro nomine Christi suo sanguine baptizantur, nullum hominem accepturum vitam aternam, qui non hic à malis suis fuerit per pœnitentiam fidemque conuersus, & per Sacramentum fidei & pœnitentia, id est, per Baptismum liberatus: & maioribus quidem necessarium esse, & pœnitentiam de malis suis agere, & fidem Ca-*  
tholi-



*atholicam secundum regulam veritatis tenere. & Sacramentum Baptismatis accipere: paruulis verò, qui nec propria voluntate credere, nec pœnitentiam pro peccato, quod originaliter trahunt, agere possunt, sacramentum fidei, quod est sanctum Baptisma, quandiurationis atque eorum capax esse non potest, sufficere ad salutem.*

Cum igitur Baptismus sit infantibus tam necessarius, meritò Ecclesia præceptum & institutionem Christi ita semper intellexit, vt quando infantes periclitantur de vita; etiam laicis, imò & mulieribus, priuatim baptizare liceat; non solemniter & ex officio, sed ex necessitate & extraordinariè. Neque aliud obiectionibus suis euincit Caluinus, quàm mulieribus non fuisse permissum ab antiquis, vt baptizarent sollemniter & ex officio. In necessitatis articulo id licere, nemo veterum inficiatus est. Sed quia Caluinus & Beza, eorumque discipuli tantam baptismi necessitatem non agnoscunt, cum illis baptismus non sit salutis collatio, sed tantum sigillum seu obsignatio salutis, quasi infans fidelium præsertim parentum, careat, nullam salutis iacturam patiat; ideo tam seueri & rigidi sunt in repellendis laicis & fœminis à baptismi administratione, extrema necessitate id exigente: nàm nisi hoc facerent, non satis multos infantum ab æterna beatitudine excluderent. Vt ergo adultos inde excludunt per falsam suam fallacemque fidem ac doctrinam; sic inde abarcent infantes, dum illos in periculum mortis coniectos ab obuiquo quis ministro salutaribus vndis ablui non permittunt. lege Bellarminum lib. de Baptismo cap. 4. & 7.

Quæritur VIII. Num infans sub conditione baptizari debeat, si verisimiliter dubitetur, an sit baptizatus, neque vllus baptismi suscepti testis aut testimonium sup-



Tit. de baptis-  
mo.

Exstat Tom.  
12. VVit. Germ.  
fol. 193. Anno  
1603.

petat. Respondet Lutherus in Symposiacis sermonibus, huiusmodi baptismum conditionalem ex Ecclesia exturbandum, eumq; de quo dubitabatur, categoricè & absolutè baptizandum esse.

Idem docet Pomeranus Lutheri fidissimus Symmysta in Tractatu Germanico: Von der Teuffe im Hause. De baptismo domi collato? Antea in Hamburgensi Agenda, cuius ipse faber & architectus fuit, talem baptismum valere, atque adeo conferendum esse docuerat; Sed Anno 1551. sapientior scilicet factus, hanc suam sententiam retractavit, hac solenni palinodia: Hæc mea verba: Si tu non es baptizatus, &c. ad solos infantes spectant; quando non scitur, sed dubium est, an sint baptizati; nunc reuoco, & cum scriptura (imo cum proprii cerebri phantasia) coram toto mundo affirmo, huiusmodi dubio baptisate nullum infantem aliumue hominem baptizari debere, quia palam expressæ & indubitatæ sententiæ Christi aduersatur: (Scilicet.)

### Antipharmacum.

S. Leo Pontif. Max. Epist. 92. ad Rusticum Narbonensem cap. 15. Si nulla existant indicia inter propinquos aut familiares, nulla inter clericos aut vicinos quibus, hi de quibus queritur, baptizati fuisse doceantur, agendum est, ut renascantur, ne manifestè pereant, in quibus, quod non ostenditur gestum, ratio non finit, ut videatur iteratum. Qui autem possunt meminisse, quod ad Ecclesiam veniebant cum parentibus suis, possunt recordari an quod eorum parentibus dabatur, acceperint. Sed si hoc etiam ab eorum memoria alienum est, conferendum eis videtur, quod collatum esse nescitur: quia, non temeritas interuenit presumptionis, ubi est diligentia pietatis.